

阿差末菩薩經

第三

百一
周三

47777



元祿九年丙子二月日重脩

皇圖聖蹟

佛日增輝 轉

山城州天安寺法金剛院置



阿差末菩薩經卷第三

西晉三藏竺法護譯

周

持成

佛告阿差末仁者於今爲能苞裹一切衆生
乎阿差末言承佛聖旨具悉任受阿差末菩
薩適入三昧應時一切諸有色身供養華香
繒蓋幢幡皆入齋中其身如故不增不減有
一菩薩号曰大淨問阿差末所入三昧名曰
何耶顯現變化乃能悉受一切色身華香幡
蓋其身如故而不增減阿差末曰其定号曰
普受色身大淨復問是三昧者但能受此復
受餘乎阿差末曰三千大千國土悉入於身
不見所在所以者何以威神故無所增損時

諸衆會諸天人民菩薩聲聞皆各有念猶如
久渴望想飲矣欲見大士所化神變佛知衆
心語阿差末爲一切人現是三昧阿差末曰
輒奉聖教應時十方諸會菩薩佛及衆僧悉
自見身坐阿差末齋阿差末齋現有國名普
莊嚴諸菩薩服如莊嚴國衆菩薩也亦復皆
現在其齋中所顯普嚴巍巍如是也現威變
已衆會各坐續復如故大淨菩薩報阿差末
三昧聖恩威德超殊光光乃尔阿差末曰是
不足言所以者何三千大千天地山陵悉受
色身爲微末耳受江沙土不以爲迂況其餘
耶說忍辱品演神足時七十姪仁和善人發

大道心万二千菩薩皆得無所從生法忍舍利弗問阿差末願樂復聞菩薩精進而不可盡阿差末曰菩薩有八精進無盡何謂爲八一曰被于弘誓大德之鎧是爲精進而不可盡二曰合集精進而無所退三曰勤學長養一切功德四曰常欲養育普及衆生五曰造立無數福慶之原六曰心元元求諸度無極七曰曉了智慧而無窮極八曰欲得備悉一切佛法以故無盡是八精進而不可盡阿差末曰所名被弘誓鎧不以生死用爲勞苦故所以者何不計劫數當成佛道亦不思念於若干劫行菩薩業所以名曰爲弘誓者不厭

長遠無量劫故菩薩猶爲一切之本方俗所
更始數一日至十五日若三十日合爲一月
十二月爲一歲如是轉進至十萬歲若百千
萬歲發意求道悉却是數猶若干載乃見一
佛如比數諸江河沙初發意等一切衆人各
皆發心各悉包容江河沙等諸菩薩亦如是
無央數不可計一切人悉發意意所知才及
一事其未所知不可稱計猶如供養江河沙
等佛然後乃具施度無極戒忍精進一心智
慧三十七品亦復若斯菩薩聞是其心不懈
不捨弘誓大德之鎧江河沙等人皆發道意
合集此德乃能具足一大人相一切如是各

如前功乃悉周備諸大人相其大人者謂菩薩也菩薩聞是不以爲勞所以者何未曾違捨弘誓鎧故是爲菩薩被弘誓鎧而不可盡也何謂增長精進而不可盡若有菩薩勤欲聞法不計遠近不惡水火所以者何無懈倦故菩薩增長合集功德不以退却合會勸助衆功德故何故合會欲以開化衆生之故令其度脫使入泥洹故而般泥洹不以懈慢有堅固心無能迴者常求功祚不用厭倦恒任大哀故曰合集菩薩所至行步坐起不忘道心如一念頃念佛法教護於一切不以爲煩故曰合集而不可盡何謂長養一切精進而不可盡

所立功德志願常存於諸通慧以故名曰為
不可盡猶如衆龍還兩大海不可別知滯數
多少計之無盡諸明慧者功德如是至不可
盡何謂造立無數功德所作用心為一切故
常懷等意所立功祚不離通慧所修福願欲
使衆生皆共蒙恩以故名曰立無數德何謂
心求諸度無極衆生四大悉不可盡不可數
者入此諸數一曰悉教三千大千世界衆生
之類如是比像不可稱載阿僧祇人皆開化
之無限如斯百倍千倍万倍億倍百億万倍
不可計喻所教度者為少少耳聞是不恐亦
不畏懼為應精進是謂造立無數功德而不

可盡何謂曉了智慧而無窮極菩薩功德不
可窮盡故如是悉計一切普知諸衆生本所
作功德乃及道迹往來不還無著緣覺皆合
此德乃成於佛一毛功德合集計是各各悉
成體諸毛孔巍巍衆德乃能成佛兩眉間
相若斯眉間千倍之福乃成頂相所以者何
天上天下無能堪任見佛頂故以是故曰德
不可盡慧無窮極又復何謂慧無窮極政使
三千大千世界衆生悉篤信佛如是信佛其
信百倍乃與奉信者同等功耳設奉信等周
滿三千大千世界其智百倍不及八等人若
八等人滿三千大千世界其智百倍不如道

迹若三千大千世界充滿中人求道迹業往來不還及與無著其智百倍不如一緣覺智若三千大千世界滿中緣覺猶不如一發意菩薩之智政使三千大千世界充滿其中初發意菩薩其智百倍不如阿惟越致政使三千大千世界衆生悉成不退轉其智百倍猶不如二生補處菩薩之智政使三千大千世界衆生爲一生補處其智百倍不如一如來處處慧力合諸力無所畏入佛法遊要慧所以者何其一切智悉入佛意菩薩聞是不恐不懼不畏不難是則名曰習無窮慧也而不可盡何故習無窮慧而不可盡用入一切衆

生心故政使過去衆生心念無限其發道意
一人明解悉曉了知此諸過去衆生心念等
於衆生猶如一人如斯比像不可稱計衆生
之黨皆淫怒癡之所覆甚覆有一人入淫怒
癡惑亂之中而爲衆塵見慣迷荒菩薩發意
恒以道慧皆知衆生淫怒癡亂是曰慧明之
聖弘智若諸衆生悉各發意善惡因緣因緣
所爲起者滅者如是慧者雖處其中心不以
煩皆能暢達猶如虛空無不空處聖慧者然
其心明解三世衆生靡所不達故名曰慧而
無窮極亦不可盡何謂一切佛法而不可盡
悉具一切六度無極求諸佛法若有菩薩從

初發意所修方便然後乃致坐佛樹下發心
功德不可稱計普悉具足皆成佛故謂菩
薩合諸佛法而不可盡復有菩薩合集精進
亦不可盡身所立德不以爲難口演功祚亦
不以倦意惟勤修其身口意三事精進則是
元首也何謂意精進其意泰然何謂泰然用
求佛道用求佛道爲何謂也恢弘其心寂無
所爲何謂發是發是意者謂發道心是此則
菩薩之大哀也何謂菩薩地信樂無我是爲
忍何謂發是者悉能揔攝一切衆生故何謂爲
處用得備悉具諸法故不以生死爲勤勞也
其發是者不著三界其發是者身諸所有無

所愛惜又其處者所可施與不歎宣已有斯
德行所謂處者不以禁戒而自讚歎意存自
大也又其處者忍衆苦惱不以是業而懷憍
慢所謂其處所獲功德日轉增益巍巍無量
所謂處者是志度脫不離布施伏心制意所
謂處者學問無厭如法習教所謂處者如所
聞義奉行不改無有異意所謂處者習學思
惟不可講法權謀方便不以爲難習無希望
所班宣法翫習諷誦念察曉了其義之所歸
趣不用勞厭而懈廢也學修元元無所想報
是有四事是菩薩之所修行所以者何其能
發此慈悲喜護又其處者所瞻察意普懷大

哀又其處者緣是之故具足五通習無生死
又其處者得四意止逮于順理不當所思而
不惟之又其處者知四意斷不廢功德亦不
可制無福慶人所以者何修中間行人又其
處者神足所習如佛法教無所希望又其處
者習學善德諸根不亂無限非法悉能分別
又其處者謂十種力無有能勝心懷聖智又
其處者欲求佛學諸興造行入衆法義而不
自大成七覺意又其處者求斯道德不念諸
來及往去者亦無所想方其處者慕求肅恭
寂靜其志而無憤亂又其處者欲得正觀明
察諸法求其所存又其處者曾所博聞便能

修習常如法任務身德行又其處者求于法
身而捐衆俗望想之著信達無形又其處者
謂彼音聲常欲莊嚴隨時暢出通于十方又
其處者樂如道行脫不脫者使至永安又其
處者謂不合非勸化四魔何謂四魔一曰身
魔二曰罪塵魔三曰死魔四曰天魔又其處
者離諸惡習修衆德本諸穢寂然而不興亂
又其處者普見道慧察衆緣起又其處者見
諸所入世俗所作消息方便因濟度之又其
處者咸覩道法而隨時化是意精進而不可
盡若有能具一切處者終無諸難所作悉解
不以望想任所行慧亦無動轉一切所行皆

不離慧何謂菩薩行不離慧所行功德悉因
是法常爲一切興無極慈無極慈者不盡世
俗因佛道慧不隨無爲是名菩薩無盡精進
宜說精進不可盡時九十六婢諸天世人皆
發無上正真道意三万二千天子悉得無所
從生法忍舍利弗復問阿差末菩薩言豈復
有義施度無極不可盡乎阿差末曰用十六
事一不可盡聲聞緣覺所不能及何謂十六
一曰所施不懷異心而悉具足如來法施二
曰所施不興斯念吾緣是故當獲福報三曰
所施普愍一切不懷異心四曰所施不念望
得一昧正受所以者何不樂生于淨居天上

常好人間五曰所施皆能達知衆生心行六
曰所施其意清和所以者何欲使其心隨已
計故亦令其身從心所念七曰所施如受者
意所以者何其德以過色無色天八曰所施
與寂寞俱亦復恬怕所以然者過諸聲聞緣
覺上故九曰所施不恟恨心所以者何欲使
究暢至成就故十曰所施威神巍巍無能制
斷十一曰以智慧施普等衆生立度一切十
二曰其所施者所施與人隨意喜樂而惠救
之心常敬安所以者何能御意故十三曰其
所施與不斷三寶所以者何不捨如來至真
之種十四曰所施常明不懷猶豫而不迷惑

十五曰所施與者順如法教所以者何所行
隨義十六曰所施與無所不知有所興造樂
智慧本所以者何欲令其智無有窮極甚廣
大故是爲菩薩十六事業施度無極而不可盡
何謂爲禪心寂靜故何謂神通慧具足故何
謂爲慧所見諸色是則不通覩諸色盡其意不
隨此名曰通所以者何而不中道行取證故
其所聽聞皆在不通諸可有音悉無逮得此
名曰通悉能曉知衆生心行是則不通心除
此智不以盡心而造證矣所以者何不取羅
漢此名曰通能自知本因所從來是則不通
不於三世而有罣礙此名曰通遍諸國土是

則不通雖遍諸國解無所有無刹土想此名
曰通信向諸法是則不通達見一切諸法本
末此名曰通一切所作有望想意是則不通
曉了衆生無所希望此名曰通樂欲往生若
過諸天釋梵四王是則不通菩薩皆知一切聲
聞緣覺所修聖慧悉能揔攬此名曰通爲衆
元首所曰元首在於諸法最上之故因是名
曰通慧功德而不可盡阿差末菩薩復謂舍
利弗言因諸亂意菩薩以故習自伏心是曰
爲禪其智慧者悉捨衆惡是曰禪定又菩薩
行習住定意則無變心所以者何去修正住
修正住故習六度無極政諸法故習諸法者

用政故學習菩薩行等心衆生以等衆生便
等諸法以等諸法知菩薩心以知菩薩則能
暢解衆生志操知衆生已則知諸法是名曰
習弼等一切衆生之類悉等諸法而無適莫
等住諸法是名定意爲正受矣空無相願謂
等生死等生死者便等諸法其以平等坦
偏黨心普等者衆生心等衆生心等已乃謂平
等故曰普等其心所行平若虛空如地水火
風無有愛憎其心等者無憂無喜其身以住
不眴佛土定若三昧不以諭諂如本際住而
不自大亦不賤己不癡不惡亦不多辭唯欲
曉了法之本原是則非時常隨時宜不從一

切世俗之穢越世事利衰毀譽稱譏苦樂有名
失稱捨諸有爲不好慣內隨是法者不離三
昧所以者何皆見天下所造立行隨其所行
續在三昧莫能知者是曰菩薩善權方便深
入智慧寂度無極若欲三昧執御其心由無
極哀而隨因緣所以者何用衆生故斯義名
曰善權方便寂然恬怕三昧之業此爲聖慧
以如三昧所建立者依仰佛慧是曰善權而
於諸法永無所求是曰智慧奉執定意又以
功德化護諸法是曰善權其心坦然不壞法
身是曰智慧以三昧定住念佛身諸相種好
是曰善權如思元元念佛法身是曰智慧於

三昧中念佛諸音猶如梵聲是曰善權思知
諸法無有言辭是曰智慧住於三昧心如金
剛是曰善權雖獲禪定不忘世俗衆生群黨
是曰智慧而於三昧念備本願長育一切是
曰處處隨時善權又於禪思解于衆生悉無
吾我是曰智慧遊于三昧不捨諸法是曰善
權曉無本末亦無根原是曰智慧修于三昧
思諸佛土悉爲清淨是曰善權解諸佛土都
無所有是曰智慧在三昧住唯有佛樹修之
莊嚴是曰善權身離衆欲而無穢濁是曰智
慧又在三昧念轉法輪是爲善權遵行禪定
轉無所轉是曰智慧住于三昧欲見菩薩以

相莊嚴是曰善權以濟衆苦無有煩惱是如
來禪如來禪者了一切法永不貪欲不想塵
勞知諸情樂除衆法想名曰禪思是爲菩薩
所生地慧開士所以者何一心與法不同
塵是乃名曰不可盡禪不爲一切衆魔得便
則爲正覺造諸法器所以者何靡不含容正
士說此寂度無極不可盡時四方菩薩得日
明三昧何謂日明三昧定者猶日出時燈火
炬耀星宿月光闇蔽則無菩薩以逮是三昧
者一切衆聖咸爲覆蔽所以者何其慧巍巍
明弘廣故一切聲聞緣覺智明皆爲覆蔽以
故名曰日明三昧菩薩以住寂度無極悉能

逮成諸三昧定粗舉都較取要言之演諸三
昧名曰照明有定名月光有定名莊嚴有定
名嚴耀有定名修嚴有定名無極暉猛伏有
定名其明消冥有定名如諸法教有定名成
光明有定名無所憂有定名立堅固有定名
等如太山有定名法明有定名法御有定名
法君有定名法慧順教有定名感法寶有定
名法城揔持御有定名知人意行有定名幢
英棄衆煩拘有定名力制四魔有定名以成
十力有定名斷諸罣礙有定名造燈光有定
名堅住若地有定名如須弥有定名猶安明
有定名智行光耀有定名智不可計隨具教

有定名心教柔輒有定名無所求脫有定名
如水日月光有定名猶如佛身有定名等諸無
我有定名調象隨教有定名見得諸佛念有
定名法意無礙有定名無退不轉有定名衆
毒消淨如月有定名入空寂有定名曉衆相
有定名無願有定名住一心有定名如金剛
有定名無極光莫能當有定名自在淨有定
名諸勞煩盡有定名廣大如空有定名入一
切業有定名心思得慧有定名慧悅人無盡
有定名成聖慧有定名揔無所忘有定名眞
普見明皆多樂有定名慈行有定名心本淨
大哀有定名入諸護有定名心等入無所礙

脫有定名法法住有定名智明達有定名解
暢有定名不可數有定名充飽衆有定名無
不了有定名脫慧隨化衆有定名金剛蓮華
有定名了無常有定名尊智慧有定名勇伏
有定名諸佛念有定名隨教明脫有定名嚴
佛土有定名開闢淨諸國有定名入衆生心
喜有定名正直有定名以菩薩道六度無極
嚴有定名覺解結有定名覺意華有定名施
脫若天藥有定名光無不周有定名明無住
佛有定名甚深妙有定名積寶如海有定名
如山方面有定名神足甚廣無不揔有定名
見無數佛有定名揔諸學有定名如彈拍頃

無不知有定名智不可限如大海如是定等
億億巨姪菩薩以住寂度無極普備斯定阿
差末菩薩復謂舍利弗言智度無極而不可
盡為何謂也如所聞慧輒建立行故曰不可
盡應如斯行有八十事何謂八十

順所聞尋如行如教習從善友命

不自大所作不忘常恭恪從經業

如言從數習智勤心受不失節

不念忘意不亂興寶意顯藥志

除諸病是意器樂忍辱思樂諦

入慧意學無厭施無所慕施無適莫

所聞諦思歡喜啓受心悅身輕其意清和

而無煩拘 所學如本 常喜說法 聞欲向道

法自守者 好聞正 不在異學

唯受雅智度無極 逮於菩薩方等經

但慕聽權方便經 又好聞習四等心

復察解了無神通 如初意耳無異念

心務於諦善方便 唯欲聽之無生法

不貪世觀但悅慈 了十二緣達無常

知於苦暢無我 欲知寂分別空

解無相體無願 曉生死了功德

達衆生知無忘 嚴其音若城墪

所聞懃執樂聽經寶 在俗知俗啓於中意

以為伴侶 欲聞降伏 諸事業

常志思僥 普入諸法 莫斷貧乏 所去貧乏
謂智不足 念解遵通 曉解聖慧 悅受正道
曉無智者 悉化使智 了常遭苦 給不足者
別離一切 無功勳業 明識其本 衆惡不爲
暢益身義 達利衆生 解安隱行 樂不懷恨
欲別至尊 無極之事 念諸佛法 所因獲致
是爲名曰如所聞慧 輒建立行
阿差末菩薩謂舍利弗言 菩薩有三十二事
所入隨時何謂三十二隨音響入 一欲入於
觀 二入心所行 三入身求脫 四而濟衆生 五
入不斷無常 六入無所著 七入隨因緣所可
作爲 八所入無人 九入於無壽 十入於無命

一入去來今之所任處_{二十}入功德業_{三十}入空
不懈_{四十}入于無相_{五十}而入無願不廢勤修不
以空取證無相不願護已不墮_{六十}欲入三昧
而修正受悉向成就三昧正受以故不生無
色天所以者何擁護所致_{七十}又入諸通智慧
之原雖尔不入盡滅之徑_{八十}又入無生濟諸
所生_{九十}復入本際思惟其義_十欲入無際而
不取證所以者何有將護故所去無護則為
聲聞_{二十}欲入衆生解無吾我不捨大哀_{三十}
入一切畏生死之難_{三十}所可遊入雖有生
死無為生故_{四十}又入所馱衆諸塵勞_{五十}
入馱欲者亦不墮落所以者何不中取證_十

六又入不思貪欲之黨七入諸犯法不為

非八入權方便所以者何由因眾生意墮

貪愛欲開化故對二十九諸歲比所入教授應

病與藥一三十菩薩所度各得其所二三十是為

三十二事所導如事所以者何不失節故猶

欲入城會從門入欲暢眾緣當眼察之解緣

業者則不諍訟欲令無諍莫如自守欲知無

言為佳快者不如莫語所以者何不喜語者

自護身口不欲所止勿在彼居不欲動者慎

勿得轉無希望者亦無所想是故曰等欲不

迷色當正堅任以堅任者介乃達至不樂令

變常自謹慎若募寂靜將養己者勿得稱己

不欲下者莫自矜高不高不下具足正法不
喜損者無有能譴若樂便安所作無失無所
失者則無有疑無有疑者解無本故便無所
失等於三世而無差特等三世者無所增損
不住於色痛想行識亦無殊特眼見色識則
無所住耳聲識鼻香識舌味識身軀識意法
識悉無所住從本淨行如法慧如審諦行如
無吾我見諸法行無我曰慧解諸所有皆無
所有亦悉無本是名曰慧不以身綺而懷自
大是名曰慧知於菩薩習正真慧達為一切
衆生之故衆生故者心常不捨不離諸法是
乃名曰菩薩習慧

阿差末菩薩經卷第三

周

這適字蓋反上自綾也迤音賁反該古哀反數也

滌滴字恢反弘上苦也回反協上正作挾也胡志操下

到較音僥求也遺牽現反責也



猪飼順良亭附

阿差末菩薩經卷第三

